

Խ. Ս. ԿՈՇՏՈՅԱՆՑ

Ս/Յ. ապրիլի 2-ին հանկարծամահ եղավ Հայկական ՍՍՌ Գիտությունների
ակադեմիայի ակադեմիկոս, ՍՍՌՄ Գիտությունների ակադեմիայի թղթակից-
անդամ, Ստալինյան մրցանակի լաուրեատ, Մոսկվայի համալսարանի կենդա-
նիների ֆիզիոլոգիայիամբիոնի վարիչ, սովետական ականավոր դիտնական
հաշատուր Սեդրակի Կոշտոյանցը:



Խ. Ս. Կոշտոյանցի աշխատությունները մեծ դեր են խաղացել էվոլյուցիոն
ֆիզիոլոգիայի, ներոֆիզիոլոգիայի զարգացման գործում և կարևորագույն
ներդրում են գրգուման էնգիմո-թիմիական տեսության ասպարեղում: Խ. Ս. Կոշ-
տոյանցի անվան հետ անխզելիորեն կապված է սպիտակուցային կառուցվածք-

ների, մասնավորապես օրդանների ֆունկցիայի ներվային կարգավորման մեջ սուլֆհիդրիլ խմբերի դերի պարզաբանումը Խ. Ս. Կոչտոյանցը հայրենական կենսաբանական գիտությունն պատմության խոշորագույն և ճանաչված հետազոտողներից մեկն է:

Խ. Ս. Կոչտոյանցը ծնվել է 1900 թ. սեպտեմբերի 26-ին Ալեքսանդրապոլ (այժմ Լենինական) քաղաքում: Նա իր մանկությունն անց է կացրել Պյատիգորսկ քաղաքում, որտեղ և միջնակարգ կրթություն է ստացել: 1922 թ. նա ընդունվել է Մոսկվայի Պետական համալսարանի բժշկական ֆակուլտետը: Լինելով 11 կուրսի ուսանող, Խ. Կոչտոյանցը աշխատել է բուսանոցական գիտական խմբակներում և ֆիզիոլոգիայի, միկրոբիոլոգիայի ու կենդանաբանության ասպարեզում մի շարք հետաքրքրական աշխատանքներ է կատարել: Մոսկվայի համալսարանի բժշկական ֆակուլտետը վերջացնելուց հետո Խ. Ս. Կոչտոյանցը, իրեն բացառիկ ունակություններով օժտված ուսանող, ընդունվում է ֆիզիոլոգիայի գծով ասպիրանտ Խ. Ս. Կոչտոյանցը իր գիտական պատրաստությունն ստացել է սովետական և արտասահմանյան խոշորագույն գիտնականների (Սամոյլովի, Աոնոլի, Ռազենկովի, Բորդանի) ղեկավարությամբ: Ասպիրանտուրան ավարտելուց հետո նա աշխատում է Տիմիրյազևի գիտահետազոտական ինստիտուտում, իսկ 1931 թ. ընտրվում է Մոսկվայի Պետական համալսարանի ֆիզիոլոգիայի ամբիոնի պրոֆեսոր: 1942 թ. նա ընտրվում է նույն ամբիոնի վարիչ և գլխավորում այդ ամբիոնը մինչև իր կյանքի վերջը: 1939 թ. նա ընտրվում է ՍՍՄԿ Գիտությունների ակադեմիայի թղթակից-անդամ, իսկ 1943 թ. Հայկական ՍՍԽ Գիտությունների ակադեմիայի իսկական անդամ և կենսաբանական գիտությունների բաժանմունքի ակադեմիկոս-քարտուղար: 1943 թ. մինչև 1947 թ. ակադեմիկոս Կոչտոյանցը եղել է Հայկական ՍՍԽ Գիտությունների ակադեմիայի ֆիզիոլոգիայի ինստիտուտի ղերեկսուոր: Գլխավորելով կենսաբանական գիտությունների բաժանմունքը և ֆիզիոլոգիայի ինստիտուտը, Կոչտոյանցը բիշ ջանքեր չի զործադրել Հայկական ՍՍԽ Գիտությունների ակադեմիայում կենսաբանությունը, մասնավորապես ֆիզիոլոգիան զարգացնելու ուղղությամբ:

Ակադեմիկոս Կոչտոյանցն ավելի քան հարյուր գիտական աշխատությունների հեղինակ է: Դրանց թվում են այնպիսի ծանրակշիռ աշխատություններ, ինչպիսիք են «Համեմատական ֆիզիոլոգիայի հիմունքները» (երկու հատորով), որը հրատարակվել է նաև անգլերեն, հունգարերեն, բուլղարերեն, «Վեգետատիվ և անխառն օրդանների ֆունկցիաների վիճակը, նրանց էվոլյուցիայի լույսով», «Սպիտակուցային մարմինները, նյութերի փոխանակությունը և ներվային ուղղվածություն», «Ռուսաստանի ֆիզիոլոգիայի պատմության ակնարկներ» և այլ աշխատություններ:

Մեծ է Կոչտոյանցի ծառայությունը երիտասարդ մասնագետների պատրաստման գործում: Նրա բազմաթիվ աշակերտներն աշխատում են ՌՍՖՍՌ-ում, Հայաստանում, Ուզբեկստանում, Տաջիկստանում, Կիրգիզիայում, ինչպես նաև ժողովրդա-դեմոկրատական ռեսպուբլիկաներում՝ Ալբանիայում, Բուլղարիայում, Հունգարիայում և Չեխոսլովակիայում:

Խ. Ս. Կոչտոյանցը իր բեղմնավոր գիտական գործունեությանը զուգակցում էր հասարակական մեծ աշխատանքներ: Երկար տարիներ նա ֆիզիոլոգների, բիոքիմիկոսների և ֆարմակոլոգների Համամիութենական ընկերության նախագահի տեղակալն էր և եռանդուն կերպով մասնակցում էր համամիութենական ու անդրկովկասյան համագումարների ու կոնֆերանսների կազմակերպ-

մանր: Խ. Ս. Կոչտոյանցը միջազգային ֆիզիոլոգիական կոնգրեսներում և սիմպոզիումներում ըստ արժանվույն վեր էր հանում սովետական գիտության նրավաճումները: Նա ՍՍՌՄ Երկրորդ հումարման Գերադույն Սովետի ղեկավարն էր:

Սովետական կառավարությունը բազմիցս նշել է Խ. Ս. Կոչտոյանցի աչքի ընկնող ծառայությունները: Նա պարգևատրված էր լենինի, Աշխատանքային Կարմիր Դրոշի երկու և «Պատվո նշան» շքանշաններով:

Նրա եռուն գործունեությունը, պայծառ կերպարը, խոր հայրենասիրությունը գիտությանը անշահախնդիր ծառայելու օրինակ են ի բարօրություն մեր Հայրենիքի: